

KİRASGUHASTİNA ÇIRAYÊN KU RONAYÎ DIDANE SER KURDEWARIYA RESEN, MIN GELEKÎ XEBAR DIKE !

Belê, min jî bi dilekî xemgîn bihîst, dîsa yek ji wan çirayên ku ronayî didane ser kurdewariya resen vemirî.

Baş tê bîra min û gelek Êzdî jî dizanin ku dayîka me HEWÊ ya keça Elî û Henar, di nav herêma Xalta de, mîna çirayeke geş gelek ronayî dida ser Êzdiyatîyê. Gelek bav û bapîrên me Êzdiyan vêga hêjî di zargotina xwe de dibêjin, Xwedê jê razîya da HEWÊ û zîlamê xwe rahmetiyê Şêx BERKATÊ MAMED, di nav civaka Êzdiyên Xaltiyan de gelekî emek û nandarbûn.

Xwedê tenê pêdizane, bê ka da HEWÊ çiqas maqul, şervanên azadiyê, “eşqiya”, “mahkum”, firar, evîndar, şivan, gaderî, golikvan, cotkar, rencber, gavan û hwd.ên Kurdan bi nan, av, dew, fêkî û meyveyên xwe têr kirin eWeke ku em li ser vî wênayê da HEWÊ jî dibînin, rahmetiyê bi her hawiyê xwe va çande û ola kurdewariyê di bin hemû zahmetiyan de diparast. Xwedê jê raziyê da HEWÊ zahf hez ji çandinî û zîndîbûna xwezayê dikir...

Mixabin, fersenda min tûne û ez nikarim wan hemû serpêkhatî, zahmetî û koçberiya malbata Xwedê jê razîya da HEWÊ birêz bikim. Lê ez dizanim, nivîskarê me yê rêzdar KONÊ REŞ, di gotareke xwe de bahsa nav û dengê mala Xwedê jê raziyê Şêx Berat dike û dibêje: “ji mêj ve û ta roja îro cihê û warê Xaltan di navbera herêma Xerzan û Bişêriyê de ye. Başûr û rojhelatî Qubîne ye, li ser çemê Ridwanê, bakurî çiyayê Mava, nêzîkî Eskîfê. Dibêjin ku berê mezinên wan mala Şêx Berat bûn li gundê Dûşayê.. û gotin; Dema mala Faro û mala Dîbo şer dikirin, şêx Berat xwe bida piştê kê ji wan, ew bi ser diket. “(Çavk.:1)

Her weha birêz ŞÜKRÜ GÜLMÜŞ jî li ser kiras guhastina da HEWÊ xembariyek nivîsandiye û di malpere xwe de bi kurtasî weha dide xwanê ‘Xwedîyo/rebiyo ew çî xale. Ma bê welatî kedera meye’(Çavk.:2)



HEWÊ ya keça Elî û Henar (3)

Weke em dizanin, da HEWÊ û neferên malbata xwe jî hew dikaribûn di nav welat de li dijî teror, zilm û zora desthilatdarên Tirkîyê û Kurdên bêxîret xwe biparêzin. Ew jî mîna me gelek ji ber wê wahşeta dagirker û kevneperestan direvin û tîna xwe davêjine ber bextê dewleta Almanîya yê.

Da HEWÊ di 03.09.2009 de li bajarê Hamburg ê kiras guhast.

Lavan ji Xwedê û Tawisî-Melek dikim, ew van kesên weke da HEWÊ yên ku ronayî didane ser Kurdewariya resen afû bikin.

Dibêjim e şêx Hiseyîn, birê Mamed, qerîba Rindê û Eysan, hemû nefêrên malbat, dost û pismamên da HEWÊ, bila serê we sax be !

Kemal Tolan
18.09.2009

Çavkanî:

- 1 KONÊ REŞ - <http://www.pen-kurd.org/kurdi/koneresh/ezidiyen-cizire-1.html>
- 2 ŞÜKRÜ GÜLMÜŞ - <http://www.nasname.com/tr/4753.html> .
- 3 MAMED KISNAK – *Xwediyê wêne û Nebiyê da Hewê ye.*